





Opuscula

Epistola

U N I O

Virtutis & Sapientiae,

^{I N}
PROBATO BINIONE.

VENERABILUM ac ERUDITORUM DOMINORUM,

D. GEORGIJ MARIA,
de MELIORVTIJS.

&
D. MICHAELIS ZALESKI,

CRACOV:

IN ARTIBUS & PHILOSOPHIA LICENTIATORUM.

^{dum}
in Alma Universitate Cracoviensi,

^{P E R}
CLARISSIMUM & ADMODUM REVERENDUM DOMINUM;

D. M. SIMONEM
JOSEPHVM
WROBLINSKI,

Philosophiae Doctorem, ejusdemq; Tratnovianum & Ordinarium in
Collegio Majori Astrologiae Professore, Ecclesiae Collegatae S.
ANNÆ Canonicum,

In Peraugusto DD. Theologorum Lectorio,
Præsente Magnorum Hospitum Corona,
ritu solenni,

Artium Magistri & Philosophiae Doctores
CREARENTUR.

LAUREATA.

M. AEGIDIO STEPHANO WADOWSKI,
AA. LL. & Philosophiae in Eadem Universitate Doctore & Professore,
in vim gratulatorij plausus,

DEMONSTRATA.

Anno, quo Divina Natura cum humana Unio facta est. M. DCCV. die verò XXII. Febr.

CRACOVIAE, TYPIS UNIVERSITATIS.

Programma BEATVS JOANNES CANTIVS,



Anagramma.

Sate canas, en binio tuus,

Epigramma

*Respice, Nosq; canas, Caelestis Tu Sate Doctor,
Sternitur en pedibus, Binio corde Tuus.*

Anagramma.

Tu sine, ac bea tuos annis.

Epigramma.

*Tu sine, longævis Nos ferri nominis, Annis,
Muneris acq; Tuos flore, bea potiùs.*

Anagramma.

Unio sis sanè, cantu beat.

Epigramma.

*Unio sis sanè. meliùs jam mente beata,
Cantu, corde piam, Cantius ipse beat.*

ORBIS LECHICI
PATRONO,
Jagellonicae Universitatis
MAGNO PATRIARCHÆ,
B. JOANNI
CANTIO,
SACRÆ THEOLOGICÆ DOCTORI & PROFESSORI,
Carmen Dedicatorium.

Sceptra sublimis decus, Gentisq; Togatæ
Gloria: subsidium, superis contermina Virtus.
Linque Polos CANTIO, Musam Tibi Vota canentem,
Hic audi: Nostros visu soleris Honores.
Esto precor gratus, cum dat Tibi gratia nomen,
Binio, quam sumit, melius Tu protege famam:
Qui Sceptra fulges, Doctor clarissimus Orbi.
Prostrati Tibi, quot semper sunt! corde triumphant;
Munera testantur, fulgentia Vota ferendo;
Tantum laudis habent, quantum Tua dextera portat.
Poscant hic alij Regum sua lumina chartis,
Numinibus placidus, Tu cordi maximus extas.
Signent Stemmatibus Fastos, illosq; repandant;
Tu Nobis famam claram Tua Imagine pandes.
Ergo DIVE PATER, Stator, Patriarchaq; Noster,
Suscipe corde Tuo; certantes pectore dextro.
En, en, ungue valens LEO, necnon vertice firmus
Unicornis (quorum species fert pagina versa:)
In luco sacro crescentes hoc Academi.
Accurrunt citius, jam post certamina docta:
Ad Te; qui nemoris Præses Custosq; vocaris.
Et quamvis timeat flammæ LEO, non tamen illi,
A splendore sacro, veniens timor, occupat artus,
Gratius ille coronatus Tua lumina poscit:
Et fera pro telo, cui magnum vertice cornu,
Stat medicina, modò multis languentibus; inde
Ut valeat melius, Tibi sese sternit ad Aras.
Unio Tu præstans, Nostræ PATER Alme coronæ.
Sistens respicias junctas mentes, & honores;
Effic. Longævus vivat Tibi. Binio quæso.

In Stemma D. NEO DOCTORIS.

Leo supra

tria

Lemma:

ego contē-



cujus caput

lilia.

Hac

tus. *Ovid.*

Epigramma.

I.

G Ratiùs è meritis capiens Virtutis honores,
Floribus emineat, fronte decusq; Tuum.
Forſitan hos ideo, Pallas dilexit odores,
Lilia: quod medium delictum maneat;
Dotibus ergo Tuis, dum ſumis laurea ſerta,
Flores doctrinæ, Symbola pulchra Tuæ.

II.

E Xsuperare viros Te tollunt Stemmata, laude;
Quid valeas animo, porrigit ipſe L E O.
Designat potiùs, quantus ſis mente GEORGI;
Tullius ac fortis, quòd maneatq; Sophus.
Ergo ad ſublimes, his ſignis, perge decores,
Proſpera percipiens, I decus inde Tuis.

In

In Stemma.

V. D. NEO DOCTORIS.

Unicornis
furfum, du-
gulis stans



tendens
abus un-
in aquis.

Stat ver-

Lemma:

tice robur.

Virgil.

Epigramma.

I.

Ingenij dotes mancant, ut flumine vasto,
Hoc animal monstrat, dum bene jactat aquis.
Gloria, quòd docti toto fundetur in Orbe,
Suadaq; ZALESKI, profluit ore Tuo.
At fursum tendens, ornando signa laboris,
Altius ad munus, pandit honoris iter.

II.

Summa mente Virum, signat medicabile cornu,
Omine præcelsos, scandere mente Polos.
Quòd Cælis placidè prosemper nomine claro,
Floreat eximiè, lumine digna domus.
Ergo his emineas, I felix auspice cornu,
Quo Tua Te placidum, munera sponte vocant.

U N I O I N B I N I O N E.

A Ge nunc & aude Scriptor Calame!
Gemmeos, si qua arte potes, funde characteres,
Virtutis & Sapientiæ Unionem,

In probato Binione laureatam,
testibus chartis, inscribe,

nam:

Si honor virtuti semper laurusq; debetur,
Sapientiæ unitæ vel maximè.

Magnanima hæc Deorum proles, ac insigne decus
Virorum, ipsò ortum nacta Olympò Divinior redditur,
Cum Divino progenitæ vertice, Palladi Deæ, sociatur:!
hac Vnione fortior,
illius cumulò cumulator.

Sat se ipso dives adamas, auro inclusus pulchrior niter,
Marita vitis uberius floret & parturit.

Coccineus aut roseus color, cum cærua gratior.

Pyrrhi annulus pulcher ideò;

quia Musarum speciem tenet.

Captivum virtuti in triumphum dare animum,
laus maxima.

at si sepiâ tingitur, fit clarissima.

quare:

ille mihi Pompeius, qui virtute & Sapientiâ magnus,

ille Cæsar, qui ex utroq; gloriosus.

Hic altior Gigas, qui à calamo quoq; staturam querit:

Lucius est, qui virtuosos splendores Palladiæ admovet lucernæ,

Flamminius dicendus, qui probitatis flammæ,

oleò Sapientiæ nutrit.

Ac erudito probum unit lumen, lumen.

Pulchro ligari federe, Pallas & probitas gestiunt;

langvetq; sine tali socia; virtus.

Virtutis & Sapientiæ Vnionem hanc, melius venerari nequeo;
quàm

quàm in BINIONE Vestro.

Venerabiles ac Eruditi Domini,
Nobile par Neo-Doctorum.

Qui, adeò hæc gemina sidera in Vobis unita, fecistis;

ut virtutem qui vestram videat,

Sapientiam putet,

ac pro Sapientia virtutem miretur.

His pares, solo dispares nomine.

Junge nomina, totos junxeris.

Eadem frons, eadem virtus, eadem activitas,
idem clarissimus sanguis, etsi non germanus;
adeò;

ut dici possit, generosum vestrum animum

uno non contentum corpore, gemina implevisse,

aut unum, bis natum esse

corde & animò semel vobis uniti,

etiam honore disjungi nolulistis.

Cujus unionis insignis pars, Tu imprimis occurris

Venerabilis ac Erudite Domine,

D. GEORGI MARIA de MELIORVTIJS,

extra cognomen optime.

eximijs moribus gravior, quàm Annis,

qualis quantusve sis, docuisti antequam esses,

senilem virtutem ac rugosum animum

in fronte tenera dari ostendisti:

Illà ac Leone Gentilitio fortis.

Leo hic, in florentissimo Italiae Ducatu,

eò pulchrior, quò vetustior, patriò solò

excessit, cum Magno PARENTE Tuo,

Nobili ac Spectabili Domino,

D. DOMINICO MARIA MELIORVCI,

Consule Cracoviensi;

ut in Principe Urbium Cracovia staret,

& in apertis illius Ostijs:

Custos, non clausis oculis vigilaret,
consilio, non rugitu, in Craci Senatu valens.

Tantumne? etiam cum Patruo Tuo,

PETRO MARIA MELIORVCI,

in Angliæ Regno, olim Angelorum Colonia, cōsedit.
inter bonos primus,

inter primos optimus.

Sic tamen Florentiā excessit, ut ibidem etiam spectetur,
in altero Patruo Tuo,

**Viro Clarissimo BENEDICTO MARIA
MELIORVCI, Canonico,**

qui in Alma Universitate Pisana,
& Musarum & Animorum Rector,

Omnes vincere, Sapientiā novit,
seipsum modestiā.

Leonis hujus ingentia decora, exiguā paginā, coarctare nolo;
cū fastis sit major.

Certumq̃ est, Leones iusta spatia poscere, ut se moveant.
Sat laudis Tuus nactus, quod digne laudari nequeat.

Corpora magnanimo, satis prostrasse Leoni.

Ab alijs ex ungue noscantur Leones,
Tui magnanimitas, ex Te ipso apparet,

Venerab: Domine Neo-Doctor,

qui ad Lechicæ Palladis nidum, in prima Urbe hac, nat⁹,
nemini dotibus magnis secundus.

videat Orbis intra Gentilitias Urbis hujus Turres,
etiam sublimia nasci,

nihilq̃, ab ostiis earum procedere, quod humile sit.

Brevi tandem, Bonarum Artium avidus,
malarum nunquam capax.

Cracidas Musas sic devinxisti;

ut in Tuo capite veluti in Parnassi vertice confederint.

Inter coætaneos athletas, gloriosior eminebas,
virtutis senio.

Nihil leve in Te gerens, præter corpus:

Cujus species digna imperio,

A Mo-

A Musis Novodvorskianis, in' publicam Philosophorum
arenam descendens,

Nihil ejusmodi egisti, quod publicum eruditorum
non mereretur, plausum.

Sæpe doctum Sophum, sæpius facundum Demosthenem,
nunquam non virtuosum
omnibus Te monstrasti.

GEORGIJ portans Nomen,
quidquid fecisti heroicum erat.

Procul exemptus ab ijs,
qui superbo Nominum se attollunt fastu
vix per ima repere gnari.

Pretiosis Nominibus, rubigine vitæ,
pretium adimunt virtuti.

Arena Philosophica, sudore Tuo madida,
fertilis in laurearum messem pullulavit:
ut esset, quo virtus Tua hodie coronetur.

Et ne amore conjunctos, unum in Binione Cor,
Encomiastæ calamo diuidere videar,
ad Te converto stylum,

Venerabilis ac Erudite Domine,
MICHAEL ZALESKI,

quidquid de primo, dixi etiam Tuum erat,
cum & ille totus Tuus est,
ab illo dispari laude non ornandus,
qui nihil dispar animo tenes.

pulcherrimum à majoribus Tuis ortum nactus,
magnæ capax eruditionis ingeniū, in ruditatis caligine,
squallere non permisisti,

imò:

ut illustrior appareres; umbras Academi petijsti:
ad quas commorans,
nihil umbratile capiebas;

Ingenuas artes ingenio excipiens,
Virtutem Sapientiae uniendo.

Addit Tibi non postremam gloriae portionem,
etiam inter mortalitatis umbras fama illustris,

Cui sepulchralibus Saxis,
virtus absq; chalybe scintillas excutit, ut lucem augeat,

Nobilis ac spectabilis olim
SIGISMUNDVS ZALESKI,
Metropolis hujus Consul meritissimus,

GENITOR Tuus carissimus,

Senatus Cracij alter Cato,

ad astra raptus,

qui vel ideò diutius vivere noluit,
cùm se etiam mortuum in vobis filiis victurum scivit,

& Vos Atlantes, Urbis hujus succrescentes videns,

ipse ad sepulchrum decrevit.

Cujus Tu mortui vivam imaginem referens;

splendores paternos majores facis.

Hoc nimirum est generosi animi ornamentum,

non minorem esse majoribus,

nec curare quàm illustres habueris avos,

sed quàm & ipse non obscurus sis nepos.

Inter Parnassi colles altior ipse visus.

Dulces Hippocrenes Vndas ore absorbebas.

Mox totus illis immerfus, ad altiora accendebaris.

In certamine Philosophico fortissimus,

re & nomine MICHAEL, nunquam non Victor evasisti;

Encomiorum palmis, quas, omnes porrexerunt,

coronatus.

Multa sapiens, hoc unum ignorasti,

scilicet te aliquid scire, monstrare.

Magnum potius esse, quàm videri præferens.

Re

Re ipsa exiles, ut grandiores appareant,
laudationis ventô, se ac ora inflare solent.

Tu eò demissior, quò sublimior,
modestix Umbris, mentis splendores contegis.
Sic levis pluma citius in altum surgit, quàm gemma.
vacua arista, verticem attollit, gravis fructu non item
Colossus quò altior eò maiorem umbram sui proijcit.
verbô talis es.

Ut modestiam Apelles, si iterum pingere vellet,
ex Te optimè posset.

Hæc merita, has virtutes in Binione Vestro
Unitas cum Sapientia,

Jagellonica Pallas in vobis coronat laurêis;

ut sic inumbrati facilius exoticos Soles intueamini;
quomodô caleant; potiùs quid calleant experiamini.

Quærite alium Orbem, cùm Vos hic non capiat,
ubiq; plausum habituri.

Invidebûnt Exteri, tales sub gelido Septêtrionis climate,
nasci surculos, ex quibus fieri possunt
Apollines aut Mercurij.

Patriæ honorem, Vobiscum circumferetis,
cujus ardetis amore.

Pergite, tantum gaudij sangvini propinquo,
& Amicis reduces allaturi, quantum doloris
viam meditantes infligitis.

Interea, laureato honori, Capita Vestra submitтите,
cui pridem Animos obtulistis;

Qui ut Vos Æternitati desponsset;
annulum porrigit;

huic Vos pretium adijcitis, cùm animorum Vestrorû
Vnionem.

Locus hic; quem conscenditis Majorum honorum
gradus est:

quorum certamen erit, ut Vos sibi obligent.

C

Quo-

Quoties fortuna aleam jâciet, laureatum Binionem
Vestrum monstrabit.

Vt sic Vniti aduersam vincatis.

Devinxistis omnium animos,
nunc corda ducitis Vobis in triumphum
quorum votum in Vestram felicitatem
inclinatur.

Cui ego meum

unio.



SUB FELICISSIMIS AUSPICIJS;

Magnifici Perillustri & Admodum Reverendi Domini,

**D. M. MARTINI
OSLINSKI,**

SACRÆ THEOLOGIÆ DOCTORIS & PROFESSORIS,
Collegæ Majoris, Ecclesiæ Collegiatæ Săctæ ANNÆ DECANI, Prossovi-
censis PRÆPOSITI, Zielonecensis CURATI, Contubernij Hierosolymita-
ni & Classum Novôdvorscianarum PROVVISORIS, Universitatis
Cracoviensis Generalis ac Vigilantissimæ

R E C T O R I S.

ti
e,
M
o-
m
o
es
er
ne
a-
ur

lo
c-
y-
ti-
c-

卷之四

22.000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

